

# **REFERAT AIA - Aningaasaqarnermut Inuussutissarsionermullu Ataatsimiititaq d. 12-03-2026**

**Mødedato** Torsdag d. 12. marts 2026 kl. 19:00

**Mødested** Kommunalbestyrelsep ataatsimiittarfia

# Indholdsfortegnelse

|   |    |
|---|----|
| Saqqaa.....   | 3  |
| Oqaluuserisassat akuersissutigineqarneri.....   | 4  |
| Nalunaarutit.....   | 6  |
| Aqutsineq Ittoqqortoormiit.....   | 7  |
| Perusersartarfiit pillugit killiffik.....   | 10 |
| Inuussutissarsiornermut politikkimik nutaamik ilusilersuinerup aamma takornarialerinermit ataatsin  | 13 |
| Suliffissaaleqisut nalunaarsornerat 2025.....   | 16 |
| Inunnut innarluutilinnut tarnimikkut nappaatilinnut immikkoortortaqaarfimmi pissaanermik atuinerit  | 19 |
| Utoqqarnik sullissinermit 2025-mi pissaanermik atuinermit ukiumoortumik nalunaarusiaq.....          | 22 |
| Tunumi utoqqarnik suliassaqaarfimmut innersuussisartut immikkoortortaannik siunnersuut.....         | 25 |
| Inutsu Qudder eqqaani Pisuttuarfiit & Isikkivilimmi Aneerasaartarfiit inerisarneqarnerat.....       | 29 |
| Utoqqaat Illuani sammisassaqaartitsivik.....  | 31 |
| Arsummi B-758-ip isaternissaa aamma tigooraaviliorneq/garage-aliorneq.....                          | 34 |
| Arsummi B-863-ip isaterneqarnissaa.....   | 36 |
| Kommunimut pilersaarummut tapiliussassatut 4B10-1 Inuussutissarsiuteqaarfik isertitsiviup kujataat  | 38 |
| Kommunimut pilersaarummut tapiliussassatut 30B2-2, Inuussutissarsiuteqaarfik Ittimiiniittoq, Tasiil | 41 |
| Kommunimut pilersaarummut tapiliussassatut 30C2-2 Attertumut aamma Eertasimappimmut eqqaæ           | 44 |
| Kommunimut pilersaarummut tapiliussap nr. 10-p immikkoortup ilaanut 100L1 Qooqqunut, nunaat         | 47 |
| Illoqarfiup ilaanut pilersaarutip 4D2 Quassussuarmi Sisorariartarfik pillugu inaarutaasumik akuersi | 50 |
| Umiarsuarnik takornariartaatinik takornarianut akiliutinit aningaasanik agguaassineq.....           | 53 |
| Nuummi najugaqatigiiffinnik marlunnik pilersitsineq.....  | 58 |
| Lukket.....   | 61 |
| Lukket.....   | 62 |
| Imaqarniliap akuerineqarnera.....   | 63 |
| Tamalaat.....   | 65 |

## **Punkt .: Saqqaa**

### **Ilaasortat:**

Avaaraq S. Olsen (IA), Siulittaasoq  
Uju Petersen (IA)  
Poul Petersen (D)  
Justus Hansen (D)  
Martha Abelsen (S)  
Dorthe-Marie Mogensen-Fontain (S)  
Peter Davidsen (S)

### **Beslutning**

#### **Ataatsimeeqataasut**

Avaaraq Olsen (IA)  
Uju Petersen (IA)  
Peter Davidsen (S)

#### **Teamsikkut peqataasut**

Justus Hansen (D)  
Dorthe-Marie Mogensen-Fontain (S)

#### **Oqarasuaatikkut peqataasoq**

Martha Abelsen (S)

#### **Ataatsimeeqataasinnaanatik nalunaartoq**

Poul Petersen (D)

## **Punkt .: Oqaluserisassat akuersissutigineqarneri**

### **Beslutning**

Oqaluserisassat akuersissutigineqarpoq.



**Punkt .: Nalunaarutit**

## **Punkt 1: Aqutsineq Ittoqqortoormiit**

### **Beslutning**

Ilisimatitsissut tusaatissatut tiguneqarpoq.

## Aqutsineq Ittoqqortoormiit

Mellemlederit tunngaviusumik aqutsinermik ilinniarnarat

Ilisimatitsissut

SagsID.: EMN-2021-16589

Suliffeqarfiup iluani Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfiup iluani Kiffartuussivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Kommuneqarfik Sermersuumi tunngaviusumik aqutsineq pitsanngorsarniarlugu 2023-mi Aqutsineq aallartinneqarpoq, taanna suliffeqarfinni aqutsisut, suleqatigiinnut aqutsisut tullersortillu sullinniarlugit ingerlataqarneruvoq. Kalaallisut ingerlanneqassaaq, taannalu aaqqissorneqarpoq modulunut marlunnut taakkununga attaveqatigiittartut ilaqartinneqassapput modulit akornisigut, taamatut iliortoqarpoq najukkamit ataqatigiissarneqarnissaa ulluinnarni sulinermi qulakkeerumallugu. Aqutsineq Paamiuni Tasiilamilu aallaqqaammut ingerlanneqarpoq kingornalu Nuummumt siaruarpoq.

Aqutsineq Attaveqatigiinnermut Sulisunillu Ineriartortitsinermut Immikkoortortap attassiinnarnissaq pillugu suliniuteqarfigisaanut ilaavoq. Kommunimi mellemlederit 97 %-iisa - aqutsisut 165-it missaanniittut - aqutsisut ineriartortinnerannut 2026-p naannginnerani ingerlatereersimanissaat anguniagaavoq. Pitsaassuseq pitsaanerpaaq aamma peqataasunut sapinngisamik pissarsiaqartitsinissaq qulakkeerniarlugu pikkorissaaneq avataaneersumit siunnersortimit kalaallisut ingerlanneqaannartassaaq.

Aningaasaqarnermut Inuussutissarsiornermullu Ataatsimiititap siuliani ataatsimiinnerani saqqummiunneqartutut Aqutsineq 2026-mi Nuummi, Tasiilami aamma Paamiuni ingerlanneqassaaq. Peqatigitillugu Ittoqqortoormiiniittussamik holdinik aallartitsisoqarnissaa kissaatigineqarpoq. Taamaattumik, holdit pilersaarutigineqareersut saniatigut, immikkut holdinik Ittoqqortoormiini maajimi 2026-mi pilersaarutigineqarput.

### Ingerlatsivimmit aningaasatigut sulisoqarnikkullu naliliinerit

Pikkorissarneq angalanermilu aningaasartuutissat akeqarput: 115.000,- immikkoortoqarfiullu nammineq missingersuutaanit matussuserneqassapput.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumut aqutseriaatsimut tunngavissaq

## **Ilangussaq**

### 1. Ilangussaqaqngilaq

## **Punkt 2: Perusersartarfiit pillugit killiffik**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliap saqqummiunneqarnera - Aningaasaqarnermut Inuussutissarsiornermullu Ataatsimiititaq, 24.09.24

## Perusersartarfiit pillugit killiffik

Ilisimatitsissut

SagsID.: EMN-2026-00574

Suliffeqarfimmut Kiffartuussivik – vicekommunaldirektøri Marie Fleischer / MAFL

### Inassuteqaat

Suliffeqarfiup iluani Kiffartuussivimmit Aningaasaqarnermut Inuussutissarsiornermullu

Ataatsimiititaliammut inassuteqaatigineqarpoq:

1. Ilisimatitsissut tusaatissatut tiguneqassasoq

### Suliassamik saqqummiussineq

Upernaakkut 2023-mili kissaatigineqalersimavoq Qernertunnguit Kangerluata timaani, Inuk Hostels-ip eqqaani, sumiiffimmi silaannarissartut perusersartarfeqalernissaat anguniarneqassasoq. Siunertaasimavorlu suliniutip Kommuneqarfik Sermersuup Inuussutissarsiornermut immikkoortortaqaafiata aningaasat ukioq taanna atunngitsuugaannik suliniut aningaasalersorneqassasoq. Aningaasalli ajoraluartumik suliniummut immikkoortinneqanngitsoorsimapput aningaasaqarnermik immikkoortortaqaarfik ilisimatinneqarsimangimmat aningaasat suliniummut tassunga atorneqassasut.

Suliaq massakkut ingerlaqqissinnaangorsimavoq 2025-imi umiarsuit takornariartaatit ilaasuisa Avatangiisinut aserfallatsaaliuinissamullu 50,00 kr. ilaasup ataatsip akiliutigisartagaanniit, katillugit 4.500.570,80 kr. Namminersorlutik Oqartussat Akileraartarnermut naalakkersuisoqarfianiit Kommuneqarfik Sermersuumut nuunneqarsimalermata, aningaasallu taakku ilai atorlugit suliaq ingerlaqqissinnaangorpoq. Sanaartornermi siunnersuisartut saaffigineqareerput.

Siornaak Suliassamik saqqummiussinermi (ilanngussaq 1) Aningaasaqarnikkut Inuussutissarsiornikkullu Ataatsimiititaliap pingaarnersuiuina aallaavigalugu imatut aamma ilisimatitsissutigissavarput:

- Nuup illoqarfiata qeqqani, KaNuKoKap allaffikuata Saviminilerinermik Ilinniarfiup eqqaani kiisalu Atuakkanik atorniartarfiup eqqani, perusersartarfiliinissaq sulissutigineqarpoq. Perusersartarfiit pissarsiarineqareerput.
- Nuutoqqami, umiatsialiorfitoqqap saniani, perusersartarfik suli atuuppoq.
- Umiarsualivimmi Tidevandstrappe saniani siorna 2025-mi perusersartarfik atulerpoq.

### Ingerlatsivimmit aningaasatigut sulisoqarnikkullu naliliinerit

Pisariaqanngilaq.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppernarsaatillit

- Aningaasartutissanut missingersuutit 2024



## **Ilanngussaq**

1. Suliap saqqummiunneqarnera - Aningaasaqarnermut Inuussutissarsiornermullu Ataatsimiititaq, 24.09.24

## **Punkt 3: Inuussutissarsiornermut politikkimik nutaamik ilusilersuinerup aamma takornarialerinermi ataatsimoortumik pilersaarutip killiffiat**

### **Beslutning**

Ilisimatitsissut tusaatissatut tiguneqarpoq.

### **Bilag**

”Ineriartorneq ataatsimoorullugu” Inuussutissarsiornermut Politikkimik nutaamik aamma Takornarialerinermi Ataatsimoortumik pilersaarummik suliarineqalernermi pilersaarut 2027-2037

## Inuussutissarsiornermut politikkimik nutaamik ilusilersuinerup aamma takornarialerinermi ataatsimoortumik pilersaarutip killiffiat

Ilisimatitsissut

SagsID.: EMN-2026-00570

Suliffeqarfiup Iluani Kiffartuussivik - vicekommunaldirektøri Marie Fleischer / MAFL

### Inassuteqaat

Suliffeqarfiup Iluani Kiffartuussivimmit Aningaasaqarnermut Inuussutissarsiornermullu

Ataatsimiitamut inassuteqaatigineqarpoq:

1. ilisimatitsissut tusaatissatut tiguneqassasoq

### Suliassamik saqqummiussineq

Sermersuumi Inuussutissarsiornermut Immikkoortortamit inuussutissarsiornermut politikki nutaaq aamma takornarialerinermi ataatsimoortumik pilersaarut suliarineqaleruttorput. Taakkua sammivinnik erseqqissunik inissiissapput inuussutissarsiornerup ineriartortinneqarneranik ukiuni 2027-2037 kommunip suliassai pillugit. Matumani ilisimatitsissummi siunertaavoq AIA ingerlatsinissatut pilersaarutaasunik ilisimatissallugu, suleqatinik eqqortunik siammasissumik peqataatitsinerup qanoq qulakkeerneqarnera ilanngullugu.

### Siunertaq aamma killiliineq

Inuussutissarsiornermut politikki nutaaq Nuuk, Paamiut, Tasiilaq aamma Ittoqqortoormiunut atuutissasoq siunertarineqarpoq. Politikki aalajangersakkanut tulliuuttunut sinaakkusiissaaq:

- qanoq ililluni Kommuneqarfik Sermersooq inuussutissarsiornerup ineriartortinneqarneranik suliaqassanersoq
- suut pingaarnersiorneqassappat aamma sooq
- suliniutit qanoq pilersaaruserneqassappat, ingerlanneqassappat aamma malinnaaffigineqassappat

Inoqarfinni mikinerusuni inuussutissarsiornermik ineriartortitsinerup sinaakkutissanik aalajangersaasoqareerpoq uani *Inoqarfiit mikinerit Ineriartortinneqarnerannut pilersaarut 2024–2028*. Taamaattumik inuussutissarsiornermut politikki nutaaq kommunip illoqarfinni inuussutissarsiornermut suliniutaanut ilassutitut aamma politikikkut tunngavissatut ataatsimoortutut isigineqassaaq

### Inuussutissarsiornermut politikkimik nutaami pingaarnepaat

Inuit Ataqaatigiit aamma Demokraatit Kommuneqarfik Sermersuumi Kommunalbestyrelsimi akunnerminni suleqatigiinnissamik isumaqatigiissutaat 2025-2029 naapertorlugu, inuussutissarsiornermut politikki nutaaq pingaarnepaanik pingasunik aallaaveqarpoq:

- **Ineriartorneq:** inuussutissarsiornermik nukittuumut patajaannerusumullu sinaakkutissat pingaarnersuinerillu.
- **Attaveqaasersorneq:** attaveqaasersuutit tigussaasut, nunaminertat, pilersuineq aamma inuussutissarsiuutit ineriartornissaannut periarfissat akornanni ataqaatigiissoqarnera.
- **Najukkami inuiaqatigiit:** inuussutissarsiuutinik ineriartortitsineq kajuminnartuussusermut, piginnaasaqarnermut suliffissaqartitsinermilu peqataanerup kivitsissutaassaaq.

### Takornarialerinermi ataatsimoortumik pilersaarummi pingaarnepaat

Inuit Ataqtigiit aamma Demokraatit Kommuneqarfik Sermersuumi Kommunalbestyrelsimi akunnerminni suleqatigiinnissamik isumaqatigiissutaat 2025-2029 naapertorlugu, takornarialerinermi ataatsimoortumik pilersaarummi nutaami pingaarnepaanik tulliuttunik aallaaveqarpoq:

- Takornarialerinermik ineriartortitsineq najukkami innuttaasunut aamma iluaqusissaq
- Takornarialerinermik ineriartortitsineq imminut napatissinnaasumik ineriartortinneqassaaq

### Ingerlatsineq peqataatitsinerlu

Ingerlatsineq piareersagaavoq innuttaasut, inuussutissarsiortut aamma kommunimi suliassaqaarfii naapertuuttut ilisimasani isiginnittaatsinillu ilanngussaqaarsinnaaqqullugit. Periutsit aamma ingerlatsinermut pilersaarut ilanngussamiipput, kisianni aamma amerlasuunik apersuinerit misissuinermik kiisalu innuttaasunik ataatsimiititsinernek imaqaassaaq, soorluttaaq eqimattani apersuinernek aamma Nuummi Paamiunilu inuussutissarsiortunik sukumiinerusumik apersuinerit. Ittoqqortoormiut aamma Tasiilaq.

Peqataatitsinermik pilersaarusiortumik siunertaavoq:

- pisariaqartitat, killissat aamma periarfissat pillugit paasissutissani katersineq pinngorartitsinermik inuussutissarsiutit, aallarnisaasut aamma inuussutissarsiortumik ingerlatsisut pioreersut kiisalu kommunimi nunap immikkoortui akimorlugit ingerlanneqassapput.
- paasissutissat nutaat pingaarnersiorneqaarnerat iliuuseqarfigineqarnissaannullu illinernek erseqqissunik pilersitsisoqassaaq.
- pilersaarutit pioreersut suliniutillu ingerlasut akornanni ataqtigiissoqarnerannik qulakkeerinnineq.

### **Ingerlatsivimmit aningaasatigut sulisoqarnikkullu naliliinerit**

Pisariaqanngilaq.

### **Missingersuusiortumut Naatsorsuusiortumullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqaarnerat pillugu Inatsisartut inatsisaat nr. 29 17. november 2017-imeersoq

### **Ilanngussat**

1. *"Ineriartorneq ataatsimoorullugu"* Inuussutissarsiortumut Politikkimik nutaamik aamma Takornarialerinermi Ataatsimoortumik pilersaarummik suliarineqalernermi pilersaarut 2027-2037

## **Punkt 4: Suliffissaaleqisut nalunaarsornerat 2025**

### **Beslutning**

Ilisimatitsissut tusaatissatut tiguneqarpoq.

### **Bilag**

Suliffissaaleqisunut kisitsisinut ilusilersukkat oqaaseqaatillu

## Suliffissaaleqisut nalunaarsornerat 2025

Ilisimatitsissut

SagsID.: EMN-2026-00360

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Isumaginninnermut Inunnullu Innarluutilinnut Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq ilisimatitsissutit Kommunalbestyrelsimut ingerlateqqinneqassasoq

### Suliassamik saqqummiussineq

Suliffeqarnermut Isumaginninnermullu Ingerlatsivimmit

suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit kvartalikkaartumik ilisimatitsissutigineqartarpoq. Matumani ilisimatitsissut 2025-mut ukiumoortumik nalunaaruteqarnermut tunngassuteqarpoq. Takussutissiat aammalu itisiliilluni oqaaseqaatit ilanngussami 1-mi pissarsiarineqarsinnaapput.

### Suliffissarsiornermi ikiorsiissutit aamma atortutigut unamminartorsiorneq

2024 assigalugu 2025-mi suliffissarsiornermi ikiorsiissutinut allaffissornermi qarasaasiatigut systemimik atuutsitsilerniarnikkut annertuumik unamminartorsiorfiuvoq. Systemikkut unamminartorsiorneq pissutaalluni 2025 ukiup affaa siulleq Majoriami sulisut innuttaasunut ikiorsiissutinik tunniussuineq qulakkearniarlugu sulilersitsinissamut suliniuteqarfiusut tunulluuttariaqarsimavaat. Tamatumalu kingunerisaanik 2024-mi ukiup affaata naanerani kiisalu 2025-mi ukiup affaani siullermi suliffissaaleqisut qaffariarsimapput. Majoriaq naliliivortaaq suliffissaaleqisut amerlanerit suliffissarsiornermut ikiorsiissutinik pisartagaqarnissaq sulilernissamit imaluunniit atualernissamit orniginartinnerugaat.

### Kommuneqarfik Sermersooq tamakkerlugu kommunip illoqarfiini 2025-mi suliffissaaleqinerup ineriartornera

Ukiup siulianut naleqqiullugu Suliffissaaleqineq qaffakkiartorsimavoq suliffissaaleqisut 200-t missaani amerleriarsimallutik. Suliffissaaleqisut amerlassusaat 2020-mi qaffasissutsimut naapertuutipajaarpoq.

- **Nuuk:** 3. kvartalimi suliffissaaleqisut appariarsinnarlutik 4. kvartaalimi qaffariaqqipput. Suliffissaaleqisut nutaat amerlanerit ilaquuttatik kammalaatitilluunniit ilagalugit nalunaarsortikkiartortarput. Suliffissaaleqisut amerlasuut matchgruppe 2-miipput Majoriamiik Isumaginnermi Sullissivimmiillu immikkut suliniuteqarfigineqarnissamik pisariaqartitsisuullutik.
- **Paamiut:** Suliffissaaleqineq 2025-mi aalaakkaasuvoq. Suliffissaqartitsisut amerlanngillat suliffissaaleqisullu Majoriap suliffittut innersuussaanni aallartinniarnermikkut ataniarnermikkullu ajornartorsiateqakkajuttarput.
- **Tasiilaq:** Suliffissaaleqineq 2025-p ingerlanerani qaffariarujussuarsimavoq qaffasissusaalu ukiorpassuit takuneqarnikuusimanani. Sulisussaaleqineq annertugaluortoq suliffissaaleqisut sulilertinnissaannut kaammattoruminaassimapput.
- **Ittoqqortoormiit:** Illoqarfimmi suliffissaaleqineq suli appasippoq aalakkaallunilu.

### Suliniutit

Suliffissarsiornermi ikiorsiissutinut allaffissornermi qarasaasiakkut systemi unammilligassat

ataavartuuneri nassuerutigereerlugit Majoriaq 2025-mi qitiusumik suliassa qarfirmminut uteqqippoq. Taamaattumik Majoriaq aasap ingerlanerani suliffissarsiortunik matchgruppe 1-mi aamma 2-miittunik qulaajaallunilu sulisinnaanermut piginnaasanik nalilersuivoq, tassanilu suliffissarsiortut 200 missaaniittut matchgruppit nutarterneqarput.

Suliniuteqarfiit ingerlateqqilerneratigut suliffissarsiortut suliffeqarnermut appakaatsinneqarnissaat soorlu kajumissaarinikkut aamma aqutissiuussinikkut, piginnaangorsaanikkut, amerlanernillu sulilersitsinikkut suliffissaaleqineq appariartinneqassasoq naatsorsuutigineqarpoq. Majoriaq 2026-mi sulisussanik sisamanik sulilersitsiniarpoq. Taakkua pingaarnertut suliffissarsiornermi ikiorsiissutinik tunniussinermi suliaqassapput tassunga ilanngullugu systemip ajutoorneri aqqissuullugit. Tamanna aningaasaliissutinik atunngitsuukkanik aningaasalersorneqassaaq kingornalu ilassutitut aningaasaliissutinik qinnuteqarnikkut aningaasaliiffigineqassalluni. Taamaaliornerup suliffissarsiortut suliniuteqarfigisinnaaneri aningaasartalissavaa suliffissarsiortut aalakaanerulersillugit aammalu suliffissarsiortut sivisuumik suliffissarsiortunngornissaat pinaveersaartissallugu.

### **Ingerlatsivimmit aningaasatigut sulisoqarnikkullu naliliinerit**

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutinut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juuni 2014-imeersoq

### **Siusinnerusukkat aalajangiinerit**

*Isumaginninnermut Inunnullu Innarluutilinnut Ataatsimiititaq, 02.03.26:*

Ilisimatitsissut tusaatissatut tiguneqarpoq.

### **Ilanngussaq**

1. Suliffissaaleqisunut kisitsisinut ilusilersukkat oqaaseqaatillu

## **Punkt 5: Inunnut innarluutilinnut tarnimikkut nappaatilinnut immikkoortortaqarfimmi pissaanermik atuinerit ukiumoortumik nalunaarusiarineqarnerat 2025**

### **Beslutning**

Ilisimatitsissut tusaatissatut tiguneqarpoq.

# Inunnut innarluutilinnut tarnimikkut nappaatilinnut immikkoortorta qarfirmi pissaanermik atuinerit ukiumoortumik nalunaarusiarineqarnerat 2025

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

## Inassuteqaat

Isumaginninnermut Inunnullu Innarluutilinnut Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

## Suliasamik saqqummiussineq

Isumaginninnermik suliasaqarfirmi pissaanermik atuineq pillugu Inatsisartut inatsisaat nr. 8, 20. juuni 2022-meersumi § 53-imi allassimavoq, pissaanermik atuinerit nalunaarutiginninnerit pillugit ukiumoortumik nalunaarusiaq kommunalbestyrelsimut saqqummiunneqartassasoq. Tassunga ilanngullugu Isumaginninnermut Inunnullu Innarluutilinnut Ataatsimiititaq pissaanermik atuinerit nalunaarutiginninnerit pillugit ilisimatitsissutinik kvartalikkaartumik tigusaqartarpoq. Taakkua ataatsimoortillugit ukiumoortumik nalunaarusiatut isigineqassapput.

Suliamik saqqummiussinermi matumani Suliffeqarnermut Isumaginninnermullu Ingerlatsivimmit ilisimatitsissutigineqarpoq, 2025-mi pissaanermik atuinerit nalunaarutigineqarnerat aamma inunnut innarluutilinnut tarnimikkullu nappaatilinnut suliasaqarfirmi nalunaarutigineqartut amerlassusiisa ineriartornerat. Ilisimatitsissummi paasissutissat nalunaaruteqarnermi immersukkat ikiorsiullugit katersorneqarput.

Pissaanermik atuisimaneq uppersarneqartarpoq innuttaasut sulisullu uppersaatissaqarnissaat qulakkeerniarlugu pissaanermik atuinerit atasumik perorsaanikkut suliatigullu eqqarsaatersuutinik eqqortunik iliortoqarsimanera.

2025-mi pissaanermik atuinerit pillugit ukiumoortumik nalunaarusiaq

| Nalunaarutigineqartut suuneri                                   | 2021 | 2022 | 2023 | 2024 | 2025 |
|---|------|------|------|------|------|
| § 38 - Aalajangerlugu tigummininneq imaluunniit allamukaassineq | 2    | -    | 3    | 4    | 13   |
| § 39 - Eqqiluutsuutitsinissamik aalajangiusimasaqarneq          | 3    | 4    | -    | -    | -    |
| § 43 – Najugarisami tigummisaaneq                               | 1    | -    | 1    | -    | -    |
| § 40 – Ujatsiutaasamik annoraaminermik atuineq                  | -    | -    | -    | -    | -    |

Nalunaarutiginninnermik malitseqartitsineq

2025-mi pissaanermik atuinerit nalunaarutiginninnerit 10-upput, ukiut siuliinut naleqqiullugit qaffariarneruvoq. Ingerlatsivimmit naliliisoqarpoq, qaffariaat pitsaasumik ineriartortoqarneranut ersiutaasoq, pissutigalugu ukiut siuliini pasitsaanneqarmat naatsorsuutigisamit pissaanermik atuinerit ikinnerusutut tikkuussisoqartoq. Taamannak ineriartortoqarneranut pissutaaqataatinneqarpoq suliasaqarfirmi sulisut aaqqiagiinnginnernik nalerisaanermi

suliaqarnej pillugu piginnaasanik ineriartortitsinermik siunnerfilimmik ingerlatsinerat, tassunga ilanngullugu pissaanermik atuinnermut inatsit aamma nalunaaruteqartussaataaneq.

2025-mi pissaanermik atuinerit amerlanerpaat innuttaasunut ikittunnguanut assigiinnut tunngassuteqarput. Pisuni arlalinni isumannaassuseq sulisunit attatiinnarneqarsinnaasimavoq innuttaasut pineqartut minnerpaamik akuliuffigalugit assersornerisigut. Innarluutilinnut Tarnimikkullu nappaatilinnut immikkoortortamit pinaveersaartitsinermik aamma aaqqiagiinnginnerit sakkukillisarnerannik ukkataqarluni sulisut piginnaasanik ineriartortitsineranni misilittakkat ilanngunneqassapput. Pisut ataasiakkaat tamarmik malitseqartinneqartarput ileqqut ilisarilersinnaajumallugit suussusersiumallugillu, taamaaliorluni siunissami pissaanermik atuinnerusinnaasunik pinaveersaartitsinermut aqqutaaqqullugit.

Innarluutilinnut Tarnimikkullu nappaatilinnut immikkoortortamit 2026-mi aaqqiagiinnginnernik nalerisaanermik sulinnermut aamma pissaanermik atuinnermik piginnaasanik ineriartortitsinerit ukkatarineqarnerat nanginneqassapput. Avataanit suleqatigisanik aalajangersimasumik isumaqatigiissut piuvoq taakkartorneqartut pillugit ukiumoortumik pikkorissartitsinermut tunngasoq.

Ingerlariaqqinnissaq

Ilisimatitsissut Kommunalbestyrelsimit tusaatissat tiguneqarpat Suliffeqarnermut Isumaginninnermullu Ingerlatsivimmit ilisimatitsissut Naalakkersuisunut Nunattalu Nakorsaaneqarfianut nassiuqqassaaq isumaginninnermik suliassaqarfimmi pissaanermik atuineq pillugu inatsimmi § 53 imm. 2 aamma imm. 3 naapertorlugit.

**Ingerlatsivimmit aningaasatigut sulisoqarnikkullu naliliinerit**  
Soqanngilaq.

**Missingersuusionermut Naatsorsuusionermullu Immikkoortortamit aningaasatigut naliliineq**  
Pisariaqanngilaq.

**Inatsisitigut tunngavissaq allakkallu tunngaviusumik uppernarsaatillit**

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-meersoq

**Siusinnerusukkut aalajangiinerit**

*Isumaginninnermut Inunnullu Innarluutilinnut Ataatsimiititaq, 02.03.26:*

Ilisimatitsissut tusaatissatut tiguneqarpoq.

**Ilanngussa**

Ilanngussaqqanngilaq.

## **Punkt 6: Utoqqarnik sullissinermi 2025-mi pissaanermik atuinermut ukiumoortumik nalunaarusiaq**

### **Beslutning**

Ilisimatitsissut tusaatissatut tiguneqarpoq.

## Utoqqarnik sullissinnermi 2025-mi pissaanermik atuinnermut ukiumoortumik nalunaarusiaq

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Utoqqarnik Isumassuinnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8, 20. juuni 2022-mi §53-imi allassimavoq pissaanermik atuinnermut nalunaarutiginninnerit pillugit ukiumoortumik nalunaarusiaq kommunalbestyrelsimut saqqummiunneqartassasoq. Tassunga ilanngullugu Utoqqarnik Isumassuinnermullu Ataatsimiititaq kvartalikkaartumik pissaanermik atuinnermut nalunaarutiginninnerit pillugit ilisimatitsissutinik tigusaqartarpoq. Taakkua ataatsimoortillugit ukiumoortumik nalunaarusiaapput.

Suliassamik saqqummiussinnermi matumani Suliffeqarnermut Isumaginninnermullu Ingerlatsivimmit ilisimatitsissutigineqarpoq, 2025-mi pissaanermik atuisimanerit nalunaarutigineqarnerat aammalu utoqqarnik sullissinnermi nalunaarutiginninnerit amerlassusaasa allanngoriartorerat. Paasissutissat ilisimatitsissummik nalunaaruteqarnermi immersukkat ikiorsiullugit katersorneqarput.

Pissaanermik atuisimaneq takussutissaliorneqartarpoq, pissaanermik atuisoqarsimanermit tunngasunik suliaqartoqartillugu innuttaasut sulisullu perorsaanermit tunngasunik suliaticullu eqqarsaatigineqarsinnaasunik eqqortumik iliortoqarsimaneramik uppernarsaatissaqarnissaq qulakkeerumallugu.

2025-mi pissaanermik atuinnerit pillugit ukiumut nalunaarusiaq

| Nalunaarutigineqartut suuneri                                   | 2021 | 2022 | 2023 | 2024 | 2025 |
|---|------|------|------|------|------|
| § 38 - Aalajangerlugu tigummininneq imaluunniit allamukaassineq | -    | 4    | 3    | 1    | -    |
| § 39 - Eqqiluutsuutitsinissamik aalajangiusimasaqarneq          | 1    | 20   | 5    | 3    | 24   |
| § 43 – Najugarisami tigummisaaneq                               | -    | 1    | -    | 2    | -    |
| § 40 – Ujatsiutaasamik annoraaminermik atuineq                  | 2    | 1    | -    | 1    | -    |

Nalunaarutiginninnermik malinnaaffiginninneq

2025-mi pissaanermik atuinnermik nalunaarutiginninnerit 24-upput, ukioq kingullermit naleqqiullugit qaffariarneruvoq. Tamanna qaffariarner Tasiilami utoqqaat angerlarsimaffiani sulisut taarsaannerujussuanik pissuteqarpoq, malitsigisaanillu puiguttortut pillugit ilinniartitsinissamut annertunerusumik pisariaqartitsisoqalerneq. Pissaanermik atuinnerit amerlanerit innuttaasunut puiguttortunut ataasiakkaanut attuumassuteqarput eqqiluutsuunissamullu tunngassuteqartumik ineqartullu peqqissuunissaanut aalajangiussinissaq pisariaqartutut nalilerneqartarsimalluni.

Malinnaaviginninnerup malitsigisaanik Tasiilami utoqqaat angerlarsimaffianni sulisunik innuttaasunut puiguttormik nappaatilinnut sullissinermi piginnaangorsarniarlugit kiisalu pissaanermik atuinerit pinaveersaartinniarlugit puiguttortunngorneq pillugu ilinniartitsineq ingerlanneqarsimavoq. Ilinniartitsinerup malitsigivaa suliassatigut pitsaanermik periuseqalerneq pissaanermillu atuinerit 2025-mi kvartali 3-miik kvartali 4-mut ikileriarnernik kinguneqarluni.

Utoqqarnik sullissinermi 2026-mi puiguttortuni sulisunut aammalu sulisunut pissaanermik atuineri piginnaasatigut inerisaaneq ukkatarineqassaaq. Marsimi Paamiuni utoqqaat angerlarsimaffianni sulisut puiguttortut pillugit ilinniartinneqassapput.

#### Ingerlariaqqinnissaq

Ilisimatitsissut Kommunalbestyrelsemit tusaatissatut tiguneqarpat Suliffeqarnermut Isumaginninnermullu Ingerlatsivimmit ilisimatitsissut Naalakkersuisunut Nunattalu Nakorsaaneqarfianut ingerlateqqinneqassaaq, innersuussutigineqarpoq pissaanermik atuneq pillugu isumaginninnermut suliassaqarfiup iluani inatsimmi § 53 imm. 3.

#### **Ingerlatsivimmit aningaasatigut sulisoqarnikkullu naliliinerit**

Soqanngilaq.

#### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

#### **Inatsisitigut tunngavissaq allakkallu tunngaviusumik uppernarsaatillit**

- Isumaginninnermik suliassaqarfimmi pissaanermik atuneq pillugu Inatsisartut inatsisaat nr. 8, 20. juuni 2022-meersoq

#### **Siusinnerusukkut aalajangiinerit**

*Utoqqarnik Isumassuinnermullu ataatsimiititaq, 02.03.26:*

Ilisimatitsissut tusaatissatut tiguneqarpoq.

#### **Ilanngussa**

Ilanngussaqaanngilaq.

## **Punkt 7: Tunumi utoqqarnik suliassa qarfirmut innersuussisartut immikkoortortaannik siunnersuut**

### **Beslutning**

Ilisimatitsissut tusaatissatut tiguneqarpoq.

Aningaasaqarnermut Inuusutissarsiornermullu Ataatsimiititaliap siunnersuut taperserpaa, aammalu kommunip sinneranut pilersaarummik saqqummiussisoqarnissaq kissaatigalugu.

### **Bilag**

Tasiilami utoqqarnik suliassa qarfirmi innersuussisartunik pilersitsisoqarnissaa pillugu politikeritut siunnersuummut nassuiaat

Tabeli, siunnersuutit 1 aamma 2 ilutsitut inissitsiternerat

## Tunumi utoqqarnik suliassa qarfirmut innersuussisartut immikkoortortaannik siunnersuut

Kommunalbestyrelsimi ilaasortap Egon Poulsenip (S), Kommunalbestyrelsimut siunnersuutaa

Ilisimatitsissut

SagsID.: EMN-2025-03282

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Utoqqarnik Isumassuinnermullu Ataatsimiititamit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

### Suliassamik saqqummiussineq

Tasiilami utoqqarnut suliassa qarfirmi innersuussinnermut immikkoortortamik pilersitsisoqarnissaanut kommunalbestyrelsimi ilaasortap Egon Poulsenip siunnersuutaa, ulloq 3. december 2025, Kommunalbestyrelsimut suliarineqarpoq. Siunnersuutikkut siunertarineqarpoq, utoqqarnik qanimut sullissinerup pitsanngorsarneqarnissaa aamma Tasiilami ingerlaavartumik sullissinnermik qulakkeerinnineq, maannamut Nuummit utoqqarnut innersuussisartut ukiumut marloriarlutik tikeraarterannit pitsanngoriaataasusaaq. Kommunalbestyrelsip siunnersuut akuersissutigaa suliarlu Utoqqarnut Isumassuinnermullu Ataatsimiititamut suliassanngortillugu.

### Tasiilami eqqaanilu inoqarfinni innersuussinnermik suliap imarisai annertussaallu

Utoqqarnik innersuussisartut suliaaraat utoqqaat illuanut, angerlarsimaffimmi ikiortinut, oqilisaassinnermik aamma iluaqusersuutininik innersuussinnerit.

Innersuussisartut innuttaasunit saaffiginnissutinik tiguisarput, angerlarsimaffinni pulaarlutik, innuttaasut piginnaassusiinik allaaserinnerit tamakkualu tunuliaqutaralugit kommunip neqeroorutaanut innersuussillutik. Innersuussineq suliarineqartarpoq sapinngisamik minnerpaamik akuliunnertut aamma piginnaanngorsaaqqinnermik periuseqarluni. Taakkua saniatigut innersuussisartut peqqinnissaqarfirmik, ilaqutaasunik aamma kommunimi immikkoortortanik allanik oqaloqateqartarput. Innersuussisartut nalinginnaasumik peqqissaasutut, timimik sungiusaasutut, pillorissaasutut imaluunniit assingusumik tunuliaqutaqartarput.

Innersuussineq ullumikkut Nuummi qitiusumit ingerlanneqarpoq ingerlatsineq assigiissaartoq aamma suliassa qarfiit akimorlugit innersuussisoqartarnissaanut inatsisitigut piumasaqaatit naammassineqarnerat qulakkeersinnaajumallugit.

Innersuussisartut ukiumut marloriarlutik suliamut atasumik angalaartarput, taakkununga ilanngullugu ukiumut marloriarluni Tasiilamut tikeraarneq, suliassat ingerlaavartut pinartullu najukkami sulisut suleqatigalugit passunneqartarput. Innersuussisartut sullissineq imaluunniit taassuma sukkassusia pillugu Tunumi innuttaasunit qaqutikkut naammagittaalliorfigineqartarput.

Tasiilami taassumalu eqqaani inoqarfinni suliassat amerlanngillat, agguaqatigiissillugu sapaatip-akunneranut akunnerit arfineq pingasunut tagginneqarsinnaapput.

### Ingerlariaqqinnermut siunnersuutit marluk

Innersuussinermik suliassap qitiusumit nuunneqarnissaanut politikikkut kissaatigineqartoq tunuliaqutaralugu, ingerlariaqqinnissamut Ingerlatsivik marlunnik siunnersuuteqarpoq. Taakkununga najoqqutarineqarsinnaasut ataani allaaserineqarput.

*Siunnersuut 1:* Innersuussinermik suliassanik qitiusumit nuussineq Ingerlatsivimmit siunnersuutigineqarpoq, innersuussinermut suliassanik ingerlatsineq Tasiilami angerlarsimaffimmi ikiortinit suliarineqartalissasoq, inaarutaasumik akuersineq suliassaqaarfinnut assigiinngitsunut tunngasumik kommunimi innersuussinermik immikkoortortamit suliarineqartarluni.

Taamaaliorneq ilaatigut tulliuuttunik imaqassaaq innuttaasut angerlarsimaffiannut pulaarnerit, piginnaasat allaaserineqarnerannik suliaqarneq, innutaasunik qanigisaasunillu oqaloqateqarneq kiisalu ikiorneqarnermik, paaqqutarineqarnermik tapersersorneqarnermillu pinartumik pisariaqartitsinerup allaaserineqarnerat.

Angerlarsimaffimmi ikiorteqarfiup suliassat taakkua inuttat pigineqartut iluanni suliarisinnaavaat, taamaattumillu siunnersuut maannakkut missingersuutitut sinaakkutissat iluanni suliarineqarsinnaavoq.

Siunnersuutikkut qulakkeerneqassaaq sulisut najukkami innuttaasunik ingerlaavartumillu attaveqarnerat. Siunnersuummi innersuussinermut piginnaatitaaffik qitiusumi innersuussinermut immikkoortortamiiginnassaaq. Taamaaliornikkut suliassaqaarfimmut piginnaasaaq pitsassuaq kommunimilu innuttaasut assigiissaartumik pineqarnerat qulakkeerneqassapput.

*Siunnersuut 2: Sullissisutut atorfirmik pilersitsineq (utoqqalineri pensionisianik suliassaqaarfillu avinneqartoq)*

Siunnersuut 2-p imaraa Tasiilami sullissisutut atorfirmik pilersitsineq. Atorfiup pingaarnertut imarissavaa utoqqalernerimi pensioninik sullissineq, kisianni aamma utoqqarnut suliassaqaarfiup iluani ikiorsiissutinik sullissineq. Ullumikkut utoqqalernerimi pensioninik suliassaqaarfimmi sullissoqareerpoq, kisianni utoqqaat amerliartornerat tunngavigalugu sulisut amerlineqarnissaat pisariaqartinneqarpoq. Utoqqarnik innersuussinerup iluani suliassat atorfiup taassuma iluani aamma inissaqartinneqarput.

Najukkami sullissisumit innersuussinermik ingerlatsineq suliarineqarsinnaavoq kiisalu - innersuussinermik immikkoortortaq suleqatigalugu - aalajangiinermik ingerlatsinerit. Aaqqissuussaannerup iluani sulisoq Isumaginnermik sullissiviup ataaniissaaq, aamma innersuussinermut immikkoortortami sulisunik ingerlaavartumik suleqateqassaaq pitsaassuseq suliassaqaarfillu assigiinngitsut peqataatinneqarnerat qulakkeersinnaajumallugit.

Siunnersuutikkut qulakkeerneqassaaq, sullissineq aalajangiinerlu innuttaasumut qanilluni pisarnerat aamma utoqqarnut suliassaqaarfiup iluani sullissinerup ataqatigiissup pilersinneqarnera. Innersuussinermik immikkoortortami qanimut suleqatigiinnikkut aamma pitsaassutsimik qulakkeerininnikkut kommunip tamakkiisumik sullissinerata ataqatigiissuunera qulakkeerneqassapput, soorluttaaq attuumassuteqarpallaarnermut tunngasoqartillugu suliassat innersuussinermik immikkoortortamit aaqqinneqarnerat.

Sulisutigut nukissat utoqqarnut suliassaqaarfimmi ukiumut sulisinnaassutsip  $\frac{1}{4}$  missaanniissapput aamma utoqqalineri pensionisianut ukiumut sulisinnaassutsip  $\frac{3}{4}$  missaanniittut atorineqassapput.

Ingerlatsivimmit naatsorsuutigineqarpoq atorfirmut kiisalu pikkorissarnernut angalanernullu 500.000 kr.-it missaat pisariaqartinneqartut. Periarfissaq taanna toqqarneqassagaluarpat ilassutitut aningaasaliissutinik ingerlatsinerimut tulliuuttumut ingerlatsivik aningaasaliissutissanik qinnuteqassaaq.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivik – politikikkut aalajangiineq apeqqutaatillugu – missingersuutitut imaluunniit ilassutitut aningaasaliissutinik ingerlatsinermut tulluuttumut aningaasaliissutissanik qinnuteqassaaq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktober 1998-imeersoq kingusinnerusukut uuminnga allanngortitaq Inatsisartut peqqussutaat nr. 8, 5. december 2008-meersoq.

### **Siusinnerusukkat aalajangiinerit**

*Kommunalbestyrelsi, 03.12.25:*

Siunnersuut Kommunalbestyrelsimit ilalernerqarluni Utoqqarnut Isumassuinnermullu Ataatsimiititamut ingerlateqqinneqarpoq.

*Utoqqarnik Isumassuinnermullu ataatsimiititaq, 02.03.26:*

Suliffeqarnermut Isumaginninnermullu Ingerlatsivimmit Utoqqarnut Isumassuinnermullu Ataatsimiititamut inassuteqaatigineqarpoq:

1. innersuussinermik suliassat toqqakkat qitiusumit suliarineqartarunnaarlugit suliassaqaarfimmu qanittumi suliarineqartalernissaat *imaluunniit*
2. utoqqalernerimi pensionisianut aamma utoqqarnut innersuussinermut sullissisutut Tasiilami atorfirmik pilersitsisoqarnissaanut akuersisoqaqqullugu
3. suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Immikkoortoq 1. itigartissisutigineqarpoq. Immikkoortoq 2 akuersissutigineqarpoq, suliarlu Aningaasaqarnermut Inuussutissarsiornermullu Ataatsimiititamut Kommunalbestyrelsimullu ilisimatitsissutitut ingerlateqqillugu.

### **Ilanngussaq**

1. Tasiilami utoqqarnik suliassaqaarfimmi innersuussisartunik pilersitsisoqarnissaa pillugu politikeritut siunnersuummut nassuiaat
2. Tabeli, siunnersuutit 1 aamma 2 ilutsitut inissiternerat

## **Punkt 8: Inutsu Qudder eqqaani Pisuttuarfiit & Isikkivilimmi Aneersaartarfiit inerisarneqarnerat**

### **Beslutning**

Siunnersuut Suliffeqarfiup iluani Kiffartuussivimmi Inuussutissarsiornermut immikkoortortamut ingerlateqqinneqarnissaa aaliangerneqarpoq, aammalu suliniummut nassuiaat kiisalu aningaasalersuinissamut pilersaarut suliarineqassapput, taakkulu pillugit ataatsimiititaliaq ukioq affaa qaangiuppat killiffimmik paasisaqarusuppoq.

### **Bilag**

Pilersaarummut nassuiaat

Takornariaqarnermut Ornitassanullu immikkoortortamit allakkiaq



## **Inutsu Qudder eqqaani Pisuttuarfiit & Isikkivilimmi Aneerasaartarfiit inerisarneqarnerat**

Ittoqqortoormiini Najukkami Ataatsimiititaliaq

Aalajangiiffigisassaq

SagsID.: EMN-2026-00629

Pisortaqatigiit Allatseqarfiat – kommunaldirektøri Ole Jakobsen / OJAK

### **Inassuteqaat**

Pisortaqatigiit Allatseqarfianit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. siunnersuut Ataatsimiititami oqaluuserineqassasoq taamatullu suliap ingerlateqqinneqarnissaa aalajangiiffigineqassasoq

### **Suliassamik saqqummiussineq**

Ittoqqortoormiini Najukkami Ataatsimiititaliaq ulloq 23.02.26 Aningaasaqarnermut aamma Inuussutissarsiornermut Ataatsimiititamut pilersaarutissatut siunnersuummik tunniussaqqarpoq aalajangiiffigisassamik tassani pineqarput pisuttuarfimmik aamma isikkivigissumiittumik pilersitsinissaq, ilanngussaq 1 takuuk .

Pilersaarummi pineqarpoq Ittoqqortoormiini Inutsu Qudder-mut pisuttuarfiliornissaq isikkivilimilu aneerasaartarfiornissaq. Siunertarineqartoq tassaavoq, pinngortitami isumannaatsumik tikikkuminartumillu najukkamiittunut takornarianullu misigisassarsiorititsinissaq, pingaartumik 2029-mi mittarfittaap ammarneqarnissaanut atatillugu takornariaqarnerulernissamut atatillugu.

Pilersaarummiipput heliportvejimiit qaavanut pisuttuarfik aamma ATV-nut ingerlaarfik tassanilu isikkivigissumi aneerasaartarfik issiavittalik aamma paasissutissanut tavlit. Illuaralioortoqarnissaa aamma pilersaarutigineqarpoq, najukkami kulturimik paasissutissanut, tammajuitsussanik nioqquteqarnermut aamma sumiiffiup nammineq immikkut nerisassiaannik misiliisarfitut atorneqarsinnaasoq. Suliniummi takornariaqarnermut tunngasut pitsanngorsarneqassapput, najukkami isertitsissutaasinnaasunik allanik periarfissat nutaat pilersinneqassapput aamma najugaqartut pinngortitamik misigisaqarluni sukisaarsaartarfinnut aqutigissaarnerulissapput.

Ittoqqortoormiini Najukkami Ataatsimiititaliaq pilersaarut pillugu innuttaasunik ataatsimiititsereerpoq.

### **Siunnersuut qanoq aningaasaliiffigineqassava?**

Missinngersuusiornissamut tullermut ilanngunneqassaaq.

### **Inatsisitigut tunngavissaq allakkallu tunngaviusumik uppernarsaatillit**

- Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersoq
- Kommunalbestyrelsip suleriaasissaa

### **Ilanngussaq**

1. Pilersaarummut nassuiaat
2. Takornariaqarnermut Ornitassanullu immikkoortortamit allakkiaq

## **Punkt 9: Utoqqaat Illuani sammisassaqartitsivik**

### **Beslutning**

Inassuteqaat akuersissutigineqarpoq.

### **Bilag**

2026-mut missingersuutitut siunnersuut – Utoqqaat Illuani sammisassaqartitsivik

## Utoqqaat Illuani sammisassaqaartitsivik

Aalajangiiffigisassaq

SagsID.: EMN-2026-00183

Suliffeqaarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Utoqqarnik Isumassuinnermullu Ataatsimiititamit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. Utoqqaat Illuanni sammisassaqaartitsivimmi inissat aatsaat suliamut aningaasanik immikkoortitsisoqarpat amerlineqarsinnaanissaat akuersissutigineqassasoq

### Suliassamik saqqummiussineq

2026-mut missingersuutitut isumaqatigiisummi Utoqqaat Illuanni sammisassaqaartitsivimmi inissat amerlinissaanut 0 kr immikkoortitsisoqarpoq. Nuummi ullumikkut sammisassaqaartitsivik 36-nik inissaqarpoq, Utoqqaat Illuanni 10-it Ippiarsummilu 26-vit.

2026-mi missingersuusiornermi 2 mio. kr.-nik aqutsisumik ataatsimik sammisassaqaartitsinermilu sulisunik tallimanik Utoqqaat Illuanni sammisassaqaartitsivimmi inissat 25-nik ilaqqinneqarpata ingerlatsisinnaasunik atorfinitsitsisoqarnissaanut Suliffeqaarnermut Isumaginninnermullu Ingerlatsivimmit qinnuteqartoqarpoq. Kissaateqarnermi aallaavigineqarpoq sammisassaqaartitsivimmi allattorsimaffimmi utoqqalinersiallit utaqqisut amerliartormata, Nuummilu illoqarfiup qeqqani utoqqaat ineqartut amerlammata. 2026-mi januaarip ulluisa 30-annit Nuummi sammisassaqaartitsivimmut neqeroorummut innuttaasut utaqqisut 17-iupput. Sammisassaqaartitsinermut neqeroorutit siunertaraat utoqqaat angerlarsimaannartut kiserliortarnerisa pinaveersaartinnissaat aamma ataqqinartumik utoqqalinissamut tunniusseqataaniassammata. Taamaattumik Suliffeqaarnermut Isumaginninnermullu Ingerlatsivik suli isumaqarpoq, sammisassaqaartitsinermut inissat annertusineqarpata iluaqutaassasoq.

Utoqqarnut tunngasuni suliassaqaarfimmi suliat pitsaassusissaata allaaserineqarnerat naapertorlugu sammisassaqaartitsinermi neqeroorut ikorfartuineramik, nerinermi ikiuineramik, anartarfiliartitsineramik, nuussinermik nakorsaatinillu iisititsineramik imaqarpoq. Taassumap saniatigut utoqqaat amerlanertigut piginnaanikillimasarput, tamannalu isumaqarpoq, sammisassaqaartitsinermi sulisut ikiuuttassasut. Sammisassaqaartitsinermi inissat suliassanik amerlanernik malitseqarumaarput, taakkua massakut Utoqqaat Illuani sulisunut tunniunneqarsinnaanngillat.

2025-mi decembarip pingajuanni utoqqarnut suliassaqaarfik aningaasaqarnermut malinnaaffiginninnermi 12 mio kr.-nik ilassutitut aningaasaliiffigineqarput. 2025-mi utoqqaat illuini atorfinitsitsiniartarnermi sulisunillu tiggumminninniinnarniarnermi ajornartorsiut pissutaalluni Ingerlatsivimmit aningaasat missingersuusiorneqarsimasut amigaatigisimavaat. Taamaattumik utoqqaat illuini piffissat ilaanni vikarbureaumik akisuumik atuisariaqarsimapput suliassat tamarmik naammassineqarnissaat qulakkeerniarlugu. Ingerlatsivimmit naatsorsuutigineqarpoq 2026-mi sulisunik amigaateqarnermik ajornartorsiutit ingerlaannassasut. Taamaattumik missingersuutit iluanni maanna sammisassaqaartitsiviup allineqarnerata kingunerisaanik suliassanut isumaginnittusannik sulisunik nutaanik atorfinitsitsisoqarsinnaanngilaq.

Taamaattumik Suliffeqarnermut Isumaginninnermullu Ingerlatsivimmit qinnutigineqarpoq, Utoqqaat Illuanni sammisassanut inissat amerlineqarnissaat aatsaat aningaasaliissutit amerlanerusut tunniunneqarnissaat tunngavigalugu pisinnaassasoq.

Inassuteqaat akuerineqarpat, ingerlatsivimmit ilassutitut aningaasaliissutinik qinnuteqaat suliaqarfigneqassaaq, tassanilu allinissap qanoq ilusilerneqarnissaa erseqqissarneqassalluni.

### **Ingerlatsivimmit aningaasatigut sulisoqarnikkullu naliliinerit**

Suliffeqarnermut Isumaginninnermullu Ingerlatsivimmit Utoqqaat Illuani sammisassaqaartitsivimmi inissat amerlinissaanut massakut missingersuutaasunit matussuserneqarsinnaanngitsaq nalilerneqarpoq. Inassutigineqartoq akuerineqassappat ingerlatsivik tullissaani aningaasaqarnerup malinnaavigineqarnera ingerlanneqaqqilerpat aningaasaliissutissanik qinnuteqassaaq.

### **Missingersuusionermut Naatsorsuusionermullu Immikkoortortamit aningaasatigut naliliineq**

Siornatigut politikikkut aalajangiisoqarpoq allineqarnissaa aningaasatigut killiliussat iluanni ingerlanneqassasoq. Politikikkut aaliangerneqassappat, inissat amerlineqassasut taamaalilluni aningaasatigut killiliussaq annertusineqarluni, taamaasilluni missingersuutit inissisimanerat malinneqassappat aningaasaliinissaq innersuussutigineqassaaq. Siunnersuutigineqarpoq matuma aalajangiinerup kingorna suliaq 2026-mut ilassutitut aningaasaliissutit (TB1) suliarineqarnerannut ilanngunneqassasoq.

### **Inatsisitigut tunngavissaq allakkallu tunngaviusumik uppernarsaatillit**

- Missingersuutit pillugit isumaqatigiissut 2025–2026 - Kommune illoqarfittut pingaarnersaqarfik suli siuariartortoq
- Utoqqaat pillugit politikki 2016-2026
- Utoqqaat pillugit immikkoortumut pilersaarut 2024-2028
- Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq kingusinnerusukkut allannguutitalik
- Utoqqarnik paaqqinniffiit il.il. pillugit Inatsisartut peqqussutaat nr. 11, 30. oktobari 1998-imeersoq kingusinnerusukkut allannguutilik,

### **Siusinnerusukkut aalajangiinerit**

*Utoqqarnik Isumassuinerimullu Ataatsimiititaq, 02.03.26:*

Inassuteqaat akuersissutigineqarpoq.

### **Ilanngussaq**

1. 2026-mut missingersuutitut siunnersuut – Utoqqaat Illuani sammisassaqaartitsivik

## **Punkt 10: Arsummi B-758-ip isaternissaa aamma tigooraaviliorneq/garage-aliorneq**

### **Beslutning**

Inassuteqaat akuersissutigineqarpoq.

### **Bilag**

Arsummi B-758-ip assitaa

Pilersaarut ”Arsummi Multihusi nutaaq”



## Arsummi B-758-ip isaternissaa aamma tigooraaviliorneq/garage-aliorneq

Aalajangiiffigisassaq

SagsID.: EMN-2026-00220

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Inoqarfinnut Ataatsimiititap Aningaasaqarnermut Inuussutissarsiornermullu Ataatsimiititap inassuteqaatiga:

1. Arsummi B-758-ip isaternissaa akuersissutigineqassasoq
2. Arsummi tigooraaviliorneq garage-aliornissarluk akuersissutigineqassasoq

### Suliassamik saqqummiussineq

Arsummi illu B-758 aserfallannikorujussuuvoq. Taamaattumik Sanarfinermut Avatangiisinullu Ingerlatsivimmiit kissaatigineqarpoq, illu isaterneqassasoq inaanilu tigooraavittut kommunillu maskiinaataanut atortuutaanullu garage-aqarfittut atugassamik nutaamik illuliortoqassasoq (ilanngussaq 2 innersuussutigalugu).

### Ingerlatsivimmit aningaasatigut sulisoqarnikkullu naliliinerit

B-758-imik isaterinermi kiisalu nutaamik illuliornermi aningaasartuutit missingersuutaareersut iluanni matussuserneqarsinnaapput.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaartillit

- Kommuneqarfik Sermersuumut piginnaatitsinermik agguataarinissamut pilersaarut

### Siusinnerusukkut aalajangiinerit

*Inoqarfinnut Ataatsimiititaq, 03.03.26:*

Inassuteqaat akuersissutigineqarpoq.

### Ilanngussaq

1. Arsummi B-758-ip assitaa
2. Pilersaarut "Arsummi Multihusi nutaaq"

## **Punkt 11: Arsummi B-863-ip isaterneqarnissaa**

### **Beslutning**

Inassuteqaat akuersissutigineqarpoq.

### **Bilag**

Arsummi B-863-ip assitaa

## Arsummi B-863-ip isaterneqarnissaa

Aalajangiiffigisassaq

SagsID.: EMN-2026-00220

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Inoqarfinnut Ataatsimiititap Aningaasaqarnermut Inuussutissarsiornermullu Ataatsimiititamat inassuteqaatigaa:

1. Arsummi B-863-ip isaternissaa akuersissutigineqassasoq

### Suliassamik saqqummiussineq

Arsummi kommunip illuutaa B-863-i aserfallangaatsiarsimammat atorneqarunnaarnikuuvoq. Taamaattumik illup isaterneqarnissaa Sanarfinermut Avatangiisinullu Ingerlatsivimmit kissaatigineqarpoq.

### Ingerlatsivimmit aningaasatigut sulisoqarnikkullu naliliinerit

Aningaasartuutit sinaakkusiussat pioreersut iluanni aningaasartuutigineqarsinnaapput.

### Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumut piginnaatitsinermik agguataarinissamat pilersaarut

### Siusinnerusukkut aalajangiinerit

*Inoqarfinnut Ataatsimiititap, 03.03.26:*

Inassuteqaat akuersissutigineqarpoq.

### Ilanngussaq

1. Arsummi B-863-ip assitaa

## **Punkt 12: Kommunitut pilersaarummut tapiliussassatut 4B10-1 Inuussutissarsiuteqarfik isertitsiviup kujataata kitaaniittoq inaarutaasumik akuersissutigineqassasoq**

### **Beslutning**

Inassuteqaat akuersissutigineqarpoq.


### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Allannguutitut takussutissaq

Kommunitut pilersaarummut tapiliussa "4B10-1 Inuussutissarsiuteqarfik isertitsiviup kujataata kitaaniittoq"



## Kommunimut pilersaarummut tapiliussassatut 4B10-1 Inuussutissarsiateqarfik isertitsiviup kujataata kitaaniittoq inaarutaasumik akuersissutigineqassasoq

Aalajangiiffigisassaq

SagsID.: EMN-2025-00356

Sanarfinermut Avatangiisinullu Ingerlatsivik - pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Aningaasaqarnermut Inuussutissarsionermullu Ataatsimiititamut inassuteqaatigineqarpoq:

1. Kommunimut pilersaarummut tapiliussassatut siunnersuut "4B10-1, Inuussutissarsiateqarfik isertitsiviup kujataata kitaaniittoq" akuersissutigineqassasoq
2. suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliassamik saqqummiussineq


Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut "4B10-1 Inuussutissarsiateqarfik isertitsiviup kujataata kitaaniittoq" matumuuna saqqummiunneqarpoq. Kommunimut pilersaarummut tapiliussatut siunnersuut 4B10-1, inuussutissarsiateqarfik sisorartarfiup avannaatungaaniittoq sapaatit akunnerini arfineq-pingasuni, piffissami 10.09.25 – 05.11.25 tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit arfineq marluupput tiguneqarsimapput, taakkulu oqaaseqatigiinnik ataatsinik allannguuteqartitsinermik kinguneqartitsisimapput. Allannguutinut takussutissiaq ilanngussaq 3 takuuk.

Kommunimut pilersaarummut tapiliussaq Ujaqkeriviliornissamut aamma inuussutissarsiateqarfiliornissamut pilersaarutitut qinnuteqaat aallaavigalugu suliarineqarpoq, taanna kommunalbestyrelsimit oktobari 2024-mi akuersissutigineqarpoq. Kommunimut pilersaarut 2036-mi immikkoortup ilaa 4B10 inuussutissarsiateqarfittut pilersaarutitut atugassanngortinneqarpoq. Matumani siunnersuut kommunimut pilersaarummut tapiliussanngussaaq pingaarnernik aalajangersakkanik ilaqlarluni kiisalu immikkuaaluttunut aalajangersakkanik ilaqlarluni. Kommunimut pilersaarummut tapiliussaq Nuup avannaatungaani inissisimavoq anstaltip qanittuani inuussutissarsiateqarfiillu mittarfiup avannaata kangiani. Sanaartorfissanik arfineq pingasunik atugassiisoqassaaq inissiivittalinnik. Nunaminertat ataatsimoortinnissaanut periarfissaqarpoq. Inuussutissarsiateqarfik immikkoortukkaarlugu pilersinneqarpoq sanaartorfissagissaanermut atatillugu utaqqiisaasumik ujaqkeriveqarluni.

Matumani kommunimut pilersaarummut tapiliussap "4B10-1, Inuussutissarsiateqarfik isertitsiviup kujataata kitaaniittoq" akuersissutigineqarneratigut 4B10-mut pingaarnertut aalajangersakkat atuuttut atorunnaassapput, kommunimut pilersaarut 2036 innersuussutigalugu.

### Ingerlatsivimmit aningaasatigut sulisoqarnikkullu naliliinerit

Matuminnga kommunimut pilersaarummut tapiliussassaliorneq pilersaarummik piginnittumit isumagineqarpoq. Ingerlatsivimmit pitsaassutsimik qulakkeerinnineq, siunersieqatigiinneq ilaallu ilanngullugit ukioq tamaat sulisup ataatsip sulineranik 1/10-nik naleqarpoq.



## Missingersuusionermut Naatsorsuusionermullu Immikkoortortamit aningaasatigut naliliineq

Pisariaqanngilaq.

### Inatsisitigut tunngavissaq allakkallu tunngaviusumik uppersaatiillit

- Pilersaarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januaari 2024-meersoq
- Kommunitut pilersaarut digitaliusoq [www.kp.sermersooq.gl](http://www.kp.sermersooq.gl)

### Ilanngussaq

1. Tusarniaanermut akissutinin suliaqarneq
2. Tusarniaanermi akissutit tiguneqartut
3. Allannguutinut takussutissaq
4. Kommunitut pilersaarummut tapiliussa "4B10-1 Inuussutissarsiuqarfik isertitsiviup kujataata kitaaniittoq"

## **Punkt 13: Kommunitut pilersaarummut tapiliussassatut 30B2-2, Inuussutissarsiteqarfik Ittimiiniittoq, Tasiilaq, inaarutaasumik akuersissutigineqassasoq**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Allannguutitut takussutissaq

Kommunitut pilersaarummut tapiliussassatut 30B2-2, inuussutissarsiteqarfik Ittimiiniittoq

## Kommunimut pilersaarummut tapiliussassatut 30B2-2, Inuussutissarsiateqarfik Ittimiiniittoq, Tasiilaq, inaarutaasumik akuersissutigineqassasoq

Aalajangiiffigisassaq

SagsID.: EMN-2024-03896

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. Kommunimut pilersaarummut tapiliussassatut 30B2-2 Inuussutissarsiateqarfik Ittimiiniittoq, Tasiilaq, akuersissutigineqassasoq
2. suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliap saqqummiunnera

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 30B2-2 Inuussutissarsiateqarfik Ittimiiniittoq, Tasiilaq, matumuuna saqqummiunneqarpoq.

Kommunimut pilersaarummut tapiliussaq siunnersuutitut piffissami 15.10.2025 – 26.11.2025 sapaatit akunnerini arfinilinni tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit qulingiluat tiguneqarsimapput, taakkulu oqaaseqatigiinnik ataatsinik allannguuteqartitsinermik kinguneqartitsisimapput.

Pilersaaruserfik 7,1 ha-tut atsigisoq Tasiilap kujataatungaaniippoq. Kommunimut pilersaarummut tapiliussatut siunnersuut una immikkoortup ilaanut 30B2-mut nutaanik piffissamut naleqquttunik aalajangersaasoqarnissaa pillugu suliarineqarpoq, kiisalu nunaminertat amerlanerusut pisortat containerinut inissiivissaanut kissaat naammassisinnaajumallugu kiisalu inuussutissarsiateqartunut kommunimil materialgårdimut nunaminertat amerlanerusut inissiivissat kissaatigineqartut naammassisinnaajumallugit.

Matumani kommunimut pilersaarummut tapiliussami nunagissaanissaq periarfissaalissaaq - qaqqat qaavinik qaartiterinikkut aamma nunniornikkut.

Matumani Kommunimut pilersaarummut tapiliussassatut siunnersuutip 30B2-2 akuersissutigineqarneratigut kommunimut pilersaarummut tapiliussaq 30B2-1 atorunnaarsinneqassaaq.

### Ingerlatsivimmit aningaasatigut sulisoqarnikkullu naliliinerit

Ingerlatsivimmit Kommunimut pilersaarummut tapiliussamik suliaqarneq ukioq naallugu suliffiit 1/3-it pisariaqartinneqassasut nalilerneqarpoq.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



### **Inatsisitigut tunngavissaq allakkallu tunngaviusumik uppersaatillit**

- Pilersarusiorneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januaari 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilangussaq**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Allanguutinut takussutissaq
4. Kommunimut pilersaarummut tapiliussassatut 30B2-2, inuussutissarsiupeqarfik Ittimiiniittoq.

## **Punkt 14: Kommunitut pilersaarummut tapiliussassatut 30C2-2 Attertumut aamma Eertasimappimmut eqqaani Qitiusoqarfik, Tasiilaq inaarutaasumik akuersissutigineqassasoq**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Allannguutitut takussutissaq

Kommunitut pilersaarummut tapiliussassatut 30C2-2 Attertumut aamma Eertasimappimmut eqqaani Qitiusoqarfik,  
Tasiilaq

## Kommunimut pilersaarummut tapiliussassatut 30C2-2 Attertumut aamma Eertasimappimmut eqqaani Qitiusoqarfik, Tasiilaq inaarutaasumik akuersissutigineqassasoq

Aalajangiiffigisassaq

SagsID.: EMN-2024-03897

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. Kommunimut pilersaarummut tapiliussassatut 30C2-2 Attertumut aamma Eertasimappimmut eqqaani Qitiusoqarfik akuersissutigineqassasoq
2. suliaq Kommunalbestyrelsimut akuersissutigisassanngorlugu ingerlateqqinneqassasoq

### Suliap saqqummiunnera

Kommunimut pilersaarummut tapiliussassatut siunnersuut 30C2-2 Attertumut aamma Eertasimappimmut eqqaani Qitiusoqarfik, Tasiilaq, Sanarfinermut Avatangiisinullu Ingerlatsivimmit matumuuna saqqummiunneqarpoq.

Kommunimut pilersaarummut tapiliussaq siunnersuutitit piffissami 15.10.2025 – 26.11.2025 sapaatit akunnerini arfinilinni tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit arfineq-marluk tiguneqarput, taakkulu oqaaseqatigiinnik ataatsinik allannguuteqartitsinermik kinguneqartitsipput.

Immikkoortup ilaa 30C2 Tasiilap avannarpasissortaani inissisimavoq 8,6 ha.-nik annertussuseqartoq. Matumani kommunimut pilersaarummut tapiliussami immikkoortup ilaani 30C2-mi immikkuualuttut A-mut B-mullu sinaakkutissat piffissamut naleqquttut aalajangersarneqarput. Pilersaarutitit toqqavimmi napparsimmavimmut atasumik tamanut utoqqaat illuanik pilersitsinissamut sanaartorfissaq atugassiissutigineqarpoq. Taamatuttaarlu B-1000-ip aamma B-155-ip isaterneratigut nutaamik sanaartornissamut periarfissiisoqarlunilu B-1600-mik alliliinissaq periarfissiissutigineqarpoq.

Illoqarfiup ilaanut pilersaarutitit toqqammavik manna atorlugu immikkuualuttumi qimmeqarfimmik pilersitsinissaq periarfissaajunnaarpoq. Taamaaliortoqarpoq najugaqatigiiffimmi najugaqartut toqqissisimanissaat qulakkeerniarlugu.

Matumani Kommunimut pilersaarummut tapiliussassatut siunnersuutit 30C2-2 akuersissutigineqarneratigut kommunimut pilersaarummut tapiliussaq 30C2-1 atorunnaarsinneqassaaq.

### Ingerlatsivimmit aningaasatigut sulisoqarnikkullu naliliinerit

Ingerlatsivimmit Kommunimut pilersaarummut tapiliussamik suliaqarneq ukioq naallugu suliffiit 1/3-it pisariaqartinneqassasut nalilerneqarpoq.

### Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.



### **Inatsisitugut tunngavissaq allakkallu tunngaviusumik uppersaatillit**

- Pilersarusiorneq aamma nunaminertat atorpeqartarnerat pillugit Inatsisartut inatsisissaannik nalunaarutaat nr. 4, 25. januaari 2024-meersoq
- Kommunitut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussaq**

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allannguutininut takussutissaq
4. Kommunitut pilersaarummut tapiliussassatut 30C2-2 Attertumut aamma Eertasimappimmut eqqaani Qitiusoqarfik, Tasiilaq

# **Punkt 15: Kommunitut pilersaarummut tapiliussap nr. 10-p immikkoortup ilaanut 100L1 Qooqqunut, nunaannarmut, tunngasoq inaarutaasumik akuersissutigineqarnera**

## **Beslutning**

Inassuteqaat akuersissutigineqarpoq.


## **Bilag**

Tusarniaanermut akissutitik suliaqarneq

Tusarniaanermi akissutit tiguneqartut

Allannguutitut takussutissaq

Kommunitut pilersaarummut tapiliussaq nr. 10 immikkoortup ilaa una pillugu 100L1 Qooqqut



## **Kommunimut pilersaarummut tapiliussap nr. 10-p immikkoortup ilaanut 100L1 Qooqqunut, nunaannarmut, tunngasoq inaarutaasumik akuersissutigineqarnera**

Aalajangiiffigisassaq

SagsID.: EMN-2025-02649

Sanarfinermut Avatangiisinullu Ingerlatsivik – pisortaq Søren Pedersen / SSKP

### **Inassuteqaat**

Sanarfinermut Avatangiisinullu Ingerlatsivimmit Aningaasaqarnermut Inuussutissarsiornermullu Ataatsimiititamut inassuteqaatigineqarpoq:

1. kommunimut pilersaarummut tapiliussap nr. 10 akuersissutigineqassasoq
2. suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliassamik saqqummiussineq**

Sanarfinermut Avatangiisinullu Ingerlatsivimmit matumuuna kommunimut pilersaarummut tapiliussap nr. 10 immikkoortup ilaanut 100L1 Qooqqunut tunngasoq saqqummiunneqarpoq. Kommunimut pilersaarummut tapiliussap siunnersuutitut piffissami 15.10.2025 – 10.12.2025 sapaatip akunnerini arfineq-pingasuni tamanut tusarniaassutigineqarpoq. Piffissami tusarniaaffiusumi tusarniaanermut akissuteqaatit arfinillit tiguneqarsimapput, taakkulu oqaaseqatigiinnik allannguuteqartitsinermik kinguneqanngillat.

Qooqquni avatangiiseq immikkuullarissaq isumannaarniarlugu Kommunimut pilersaarut 2036-mut kommunimut pilersaarummut tapiliussap nr. 10 suliarineqarpoq. Matumani kommunimut pilersaarummut tapiliussap akuersissutigineqarneratigut kommunalbestyrelsimut kissaatigineqarpoq savaateqarfiusimasup eqqaani illut sanaartugaareernikut isumannaarnissaat, umiarsualiviup isumannarnissaa, aqquernit aamma aqquutit kiisalu sumiiffimmi pinngortitap immikkuullarissup illersorneqarnissaa.

Qooqquni immikkoortup ilaani tallimaasuni immikkuualuttut agguataarneri pioreersut pilersaarummi nutarterneqarput tamarmik immikkut atorneqartut massakkut siunissamilu sumiiffiup atorneqarneranut tapertaatut.

Matumani kommunimut pilersaarummut tapiliussassap nr. 10-p akuersissutigineqarneratigut kommunimut pilersaarummut 2036 innersuussutigalugu immikkoortup ilaa 100L1 pillugu pingaarnertut aalajangersakkat pioreersut taarserneqarput. Pilersaarusiorneq ataavartinniarlugu ilanngussaq 2A Nunaannarmut pilersaarut 2-3-mi nunap assinga ilanngussaq 1-imik kommunimut pilersaarummut tapiliussamut uunga taarserneqarpoq.

### **Ingerlatsivimmit aningaasatigut sulisoqarnikkullu naliliinerit**

Ingerlatsivimmit Kommunimut pilersaarummut tapiliussamik suliaqarneq ukioq naallugu suliffiit 1/5-it pisariaqartinneqassasut nalilerneqarpoq.

### **Missingersuusiornermut Naatsorsuusiornermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppernarsaatillit**



- Pilersaarusiorneq aamma nunaminertat atorpeqartarnerat pillugit Inatsisartut inatsissaannik nalunaarutaat nr. 4, 25. januaari 2024-meersoq
- Kommunitut pilersaarut digitaliusoq [www.kp.sermersooq.gl](http://www.kp.sermersooq.gl)

### **Ilanngussat**

1. Tusarniaanermut akissutinik suliaqarneq
2. Tusarniaanermi akissutit tiguneqartut
3. Allannguutininut takussutissaq
4. Kommunitut pilersaarummut tapiliusseq nr. 10 immikkoortup ilaa una pillugu 100L1 Qooqqut

## **Punkt 16: Illoqarfiup ilaanut pilersaarutip 4D2 Quassussuarmi Sisorariartarfik pillugu inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermi akissutit tiguneqartut

Allannguutitut takussutissaq

Illoqarfiup ilaanut pilersaarut 4D2 - Quassussuarmi Sisorariartarfik pillugu



## Illoqarfiup ilaanut pilersaarutip 4D2 Quassussuarmi Sisorariartarfik pillugu inaarutaasumik akuersissutigineqarnera

Aalajangiiffigisassaq

SagsID.: EMN-2024-03876

Sanarfinermut Avatangiisinullu Ingerlatsivik – pisortaq Søren Pedersen / SSKP

### Inassuteqaat

Teknikkeqarnermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

1. Quassussuarmi Sisorariartarfik eqqaaniittoq pillugu illoqarfiup ilaanut pilersaarut 4D2 akuersissutigineqassasoq
2. suliaq akuersissutigisassangorlugu Kommunalbestyrelsimut ingerlateqqinneqassasoq

### Suliassamik saqqummiussineq

Sanarfinermut Avatangiisinullu Ingerlatsivimmit illoqarfiup ilaanut pilersaarutit siunnersuut 4D2 Quassussuarmi Sisorariartarfik matumuuna saqqummiunneqarpoq.

Illoqarfiup ilaanut pilersaarut 4D2 Quassussuarmi Sisorariartarfik siunnersuutit sapaatip-akunnerini arfinilinni tamanut tusarniaassutigineqarpoq, piffissami 10.09.25 – 21.10.25-mi. Piffissami tusarniaaffiusumi tusarniaanermut akissuteqaatit 11 tiguneqarput, taakkulu oqaaseqatigiinnik allannguuteqartitsinernik 7 kinguneqarput. Immikkoortup ilaani assigiinngitsorpasuit suliaqartarput, taamaattumillu immikkoortup ilaanik piujuartitsisumik ineriartortinneqarnissaa pillugu pingaarnertut aaqjissuussamik peqalernissaq pisariaqalersimavoq. Illoqarfiup ilaanut pilersaarutimmi immikkoortup ilaa sukisaarsaartarfittut atuuffeqartunut aamma sammisaqartitsinernut qitiusoqarfinngortinneqarnissaannut ineriartortinneqarnissaa iluaquserneqassaaq, tassani Kuanninnguini sukisaarsaartitsinerit ilaneqarnerannut atatillugu aammalu mittarfiup eqqaani immikkoortut ineriartortinneqarnissaat pillugit. Illoqarfiup ilaanut pilersaarummi klubbit illutaasa ataavartumik inissisimaffiinut pingaarnertut pilersaarut qulakkeerneqassaaq. Taamaalilluni immikkoortumi ataatsimut ataavartumik klubbinik pilersitsisoqarsinnaassaaq ornikkuminarnerusunik aamma pitsaannerusunik biilnut inissiivilinnik, biilnut inissiivik pioreersoq allineqarpat. Illoqarfiup ilaanut pilersaarutitigut immikkoortut sukisaarsaartarfii pioreersut, ullumikkut pingaarnertut ukiumi sisorarnermut, soorlu sangusaarluni sisorarnermut aamma qamuterallannik angalaarnermut atornerqarnerusartut, ukioq tamaat assigiinngitsunut siammasinnerusunut atornerqarsinnaanera ilaatigut qulakkeerneqarpoq. Illoqarfiup ilaanut pilersaarutitigut immikkoortup atuuffia sunngiffimmi sammisassaqtitsiniutinut illoqarfimmi katersuuffittut atornerqarnerulernissaa kissaatigineqarpoq, saniatigullu nuna, pinngortitamik illersuinissaq aamma piujuartitsisumik nunaminertamik atuinissaq eqqarsaatigineqarput. Matumani illoqarfiup ilaanut pilersaarutip 4D2-p akuerineqarneratigut aalajangersakkanik atuuttunik atorunnaarsitsisoqanngilaq.

### Ingerlatsivimmit aningaasatigut sulisoqarnikkullu naliliinerit

Ingerlatsivimmi immikkoortumut pilersaarummik siunnersuummik suliaqarnissami ukioq naallugu suliffiit 1/4 pisariaqartinneqassasut nalilerneqarpoq.

### Missingersuusiornermut naatsorsuusiornermullu immikkoortortamit aningaasatigut naliliineq

Pisariaqanngilaq.



### Inatsisitigut tunngavissaq allakkallu tunngaviusumik uppersaatillit

- Pilersaaruserneq aamma nunaminertat atorneqartarnerat pillugit Inatsisartut inatsisissaannik nalunaarutaat nr. 4, 25. januar 2024-meersoq
- Kommunimut pilersaarut digitaliusoq [www.kp.sermersooq.gl](http://www.kp.sermersooq.gl)

### Siusinnerusukkat aalajangiinerit

*Teknikkeqarnermut Avatangiisinullu Ataatsimiititaq, 04.03.26:*

Inassuteqaat akuersissutigineqarpoq.

### Ilanngussat

1. Tusarniaanermut akissutininik suliaqarneq
2. Tusarniaanermi akissutit tiguneqartut
3. Allannguutininut takussutissaq
4. Illoqarfiup ilaanut pilersaarut 4D2 - Quassussuarmi Sisorariartarfik pillugu

## **Punkt 17: Umiarsuarnik takornariartaatinik takornarianut akiliutinit aningaasanik agguaassineq**

### **Beslutning**

Inassuteqaat akuersissutigineqarpoq. Nuuk-mi Qernertunnguit Kangerluanni pisortat atugassaannik perusersartarfiliornissamut aningaasaliissutit anartarfiit pillugit pilersaarummit aningaasalersorneqassapput.

Ingerlatsivik qinnuigineqarpoq 2 mio. kr.-t atorneqarnissaannut nutaanik tullerijaaarineramik saqqummiusseqqullugu, matumani aamma Ittoqqortoormiini atorneqarsinnaasut ilanngullugit.

## Umiarsuarnik takornariartaatinik takornarianut akiliutinit aningaasanik agguaassineq

Aaliangiiffigisassaq

SagsID.: EMN-2026-00572

Suliffeqarfimmut Kiffartuussivik – vicekommunaldirektør Marie Fleischer / MAFL

### Inassuteqaat

Suliffeqarfiup iluani Kiffartuussivimmit Aningaasaqarnermut Inuussutissarsiornermullu

Ataatsimiititamut inassuteqaatigineqarpoq:

1. ataatsimiititaliamit aaliangerneqassasoq pilersaarutit pingaarnersiorneqarneri qanoq tulleriissaarneqassanersut tassunga ilanngullugu ataatsimiititap nammineq pilersaarutigisat suliarineqarnissaanut aalajangiisinaaneranut periarfissaq.
2. pingaarnersiuinerit aalajangiiffigineqartut kommunalbestyrelsimut ilisimatitsissutitut ingerlateqqinneqassasut

### Suliassamik saqqummiussineq

Umiarsualivimmiinnermut aamma umiarsuit takornarianik angallassissutit ilaasunik angallassinerannut akileraarutit pillugit Namminersornerullutik Oqartussat nalunaarutaata 2023-mi akuersissutigineqarnerata kingornatigut kommunit avatangiisinut aserfallatsaaliinermullu akitsuummik, tulannermi ataatsimi takornariartaammut ilaasumut ataatsimut annerpaamik 50 koruuninik aalajangersaanissaannut periarfissinneqarput. Taamaaliorneq umiarsualivinni imaluunniit pinngortitami tulannermi pisinnaavoq. Kommuneqarfik Sermersooq 2025-mi Nuummi, Paamiuni, Tasiilami aamma Ittoqqortoormiini ilaasumut ataatsimut 50 koruuninik akiliuteqartitsisarpoq. Namminersorlutik Oqartussat katillugit 4.500.570 kr-nik nuussinikuupput "Najukkami nunallu immikkoortuani takornariatitsisarnerup inerisarneranut matumani sumiiffimmi takornariat amerleriarneranni kinguneqaratarsinnaasut pitsaanngitsut sakkukinnerunissaat ilanngullugu".

Umiarsualivimmut ataatsimut isertitanik agguataarineq ataani takuneqarsinnaavoq:

| <b>Kommuneqarfik Sermersooq.</b> |                  |
|----------------------------------|------------------|
| Nuuk                             | 2.625.000        |
| Paamiut                          | 850.000          |
| Ittoqqortoormiit                 | 125.000          |
| Tasiilaq                         | 900.000          |
| <b>Katillugit</b>                | <b>4.500.000</b> |

Inuussutissarsiornermut immikkoortortamit tamakkiisumik allattorsimaffik suliarineqarpoq, aningaasat sumut atorineqarsinnaaneriniq siunnersuutitalimmik taakkulu ataatsimiititamit isummerfigeqquneqarput pingaarnersioqquneqarlutillu. Tamatuma saniatigut aningaasat sumut atorineqarnissaat pillugu ataatsimiititamit nammineq siunnersuutigineqartut akuersissutigineqarsinnaapput.



## **Pilersaarutitut tamakkiisumik allattorsimaffik**

### Paamiut

#### *Paamiunut perusersartarfimmik ataatsimik pissarsinissaq:*

Umiarsuit takornariartaatit Paamiunut tikittartut amerliartuinnarput. 2025-mi takornariat 30.000 missaanni amerlassusillit aqqusaarsimapput, tassanilu erseqqarissumik takutinneqarpoq perusersartarfiit amigaataasut. Inuppasuit suliffeqarfiit perusersartarfiini perusersarusuttut suliffeqarfinnut inuinnarnullu qinngarnartarsimapput.

Aningaasat perusersartarfiup pisiarineranut, Nuummiit Paamiuliaanneranut kiisalu ikkussornissaanut atorneqassapput.

Aningaasartuutissat 475.000 kr. missaat

### Puttasut Paamiuni Ivittuunilu ikkussuunnissaat

Paamiuni puttasuleeqqinnissaq pisariaqalersimavoq. Takornariat amerlisut kiisalu Paamiuni takornarialerisut angallataatillit 5-mat aallartissimapput. Ivittuunilu taamatulli takornariartaatit amerlisimapput, taamaammat aamma Ivittuuni puttasuliisoqarnissaa kissaatigineqarpoq. Puttasut pisiarineqareerput kisiannili suli ikkussuunneqaratik.

Aningaasartuutissat. 375.000 kr kr. missaat

### Ittoqqortoormiit

Aput sisoortarneranut tunngatillugu pikkorissaaneq.

Ukiuunerani Ittoqqortoormiini aput sisoortarneranut tunngatillugu pikkorissaaneq.

Pikkorissaanissap Ittoqqortoormiini pisariaqartinneqarnera annertusiartorpoq. Sila

allangoriartornerata kinguneranik aputip sisoortarneri amerliartorput. Takornariaqarnermullu

inatsisip nutaap piumasarivaa isumannaallisaanerup pitsanngorsarnissaa, tamannalu

takornarialerisunut piumasaqaatitut pinngorsimavoq taamaalillutik takornariat

isumannaannerusumik isumagineqartassammata. Pikkorissarnerup kingunerissavaa

pinngitsuuisinnaaneq, ulorianarsinnaasunik paasinninnerulerneq sumiiffimmilu upalungaarsimaneq

pitsaannerusiq.

Aningaasartuutissat 125.000 kr. missaat

### Tasiilag

Tasiilami takornarianik inuussutissarsiutigalugu angallassinermi 12 pax-imik pikkorissaaneq.

Siornatigut 12 pax-imik Tasiilarmiut pikkorissarsimasut aallakaasimanerisa kingorna

ilinnarsimasunik pisariaqartitsineq pinngoqqissimavoq, imatut paasillugu, Tasiilami

pikkorissarsimanermut uppernarsaatillit takornarianik sullissisinnaasut amigaataalersimmata,

pikkorissartoqarnissaa ujartorneqalersimalluni.

Aningaasartuutissat 650.000 kr. missaat

### Kulusuk

Kulusummi takornarianut/mittarfiup puttasuini oqquiffissamik pisariaqartitsisoqarpoq, utaqqinermi

sialleraanngat inuit nassataallu oqquisinnaaniassammata, pingaartumik aasaanerani Kulusuup

Tasiilallu akornanni tikeraat umiatsiartartut amerligaluttuinnarmata.



Aningaasartuutissat 75.000 DKK missaat.

#### Nuuk

*Qernertunnguit Kangerluat-ni perusersartarfik kikkut tamarmik atorsinnaasaat:*

Qernertunnguit Kangerluat perusersartarfimmik pisariaqartitsineq annertuvoq. Perusersartarfik containeriunani aaliangersimasumik toqqaveqassaaq. Suliniut siusinnerusukkut ataatsimiitaliami suliarineqarnikuvoq, uggornaraluartumilli suli piviusunngortinneqarsimanani. Siullermik suliarineqarnerani aningaasaliissutaagaluarsimasut allamut atorineqarsimagamik.

Aningaasartuutissat 2.000.000 kr. missaat

*Kapisillit kangerluata qinnguani puttasuliinissaq:*

Angallateeqqat talittarfissaat puttasooq pisarineqareersimalerpoq, taannalu Kapisillit kangerluata qinnguani, Kangerlupiluup kitaatungaani, illuaqqamiit qaninnerpaamik 200 – 300 m. ungasitsigisumut ikkunneqarnissaat pilersaarutaavoq. Sumiiffiup Kangersunerup tungaanut aqquaanut naleqquppoq. Qanittukkut Kangersunermut isikkivilimmik oqquiffiorniussamut nunaminertamik pissarsisoqarpoq.

Aningaasartuutissat 200.000 kr. missaat

*Hans Egedep eqqaassutissiaanun majuartarfiliinissaq:*

Umiaarsuit takornariartaatit tikerarfiisa nalaani Hans Egedep eqqaassutissiaa alakkarneqartuartarpoq. Alakkaasullu tamatigut Annaassisitta Oqaluffia saneqqullugu majuartarput, taamaanneralu ilaatigut naalagiarturnut akornusersuutaallunilu puffassimaartitsisinnaasarput. Aqqusineq Avannarliit aallaavigalugit majuartarfiliisoqarpat tamanna iluaqutaatissaa naatsorsuutaavoq.

Aningaasartuutissat 200.000 kr. missaat

*Containerit marluk perusersartarfiit ikkussornissaat:*

Containerit marluk perusersartarfiit pissarsiarineqareerput, taakkualu illoqarfiup qeqqanut (ataatsimiitaliap siusinnerusukkut siunnersuutiginiikuusaanut) ikkussorneqassapput.

Aningaasartuutissat 150.000 kr. missaat

*Nasinnermi qinngutit - atortulersuutit*

Nuummi nasittarfiup eqqaani immikkoortumut "pequtit" annikinnerusut, tassani nasinnermi qinngutinik ikkussisoqassaaq. Tassunga atatillugu issiavinnik, ikkussugassanik, eqqaavinnik allanillu pisisoqassaaq.

Aningaasartuutissat 25.000 kr missaat.

#### Qeqertarsuatsiaat

Isikkivimmut qinngutitalimmut majuartarfiliinissaq kiisalu qinngutip ikkunnissaanut.

Aningaasartuutissat 50.000 kr. missaat

### **Ingerlatsivimmit aningaasatigut sulisoqarnikkullu naliliinerit**



Kommuneqarfik Sermersooq 4.500.570 kr-nik Namminersorlutik Oqartussaniit pissarsivoq, taakkulu missingersuutitut ilaanngillat. Taamaattumik Inuussutissarsiornermut immikkoortortaqrarfiup aningaasaqarneranut sunniuteqassanngillat.

**Missingersuusiornermut Naatsorsuusiornermullu Immikkoortortamit aningaasatigut nalililneq**

Pisariaqanngilaq.

**Inatsisitigut tunngavissaq allakkallu tunngaviusumik uppersarsaatillit**

- Umiarsualivimmiinnermut aamma umiarsuarni takornarianik angallassisuni ilaasut akileraarutaat pillugit Inatsisartut nalunaarutaat nr 81, 21 december 2023-meersoq

**Ilanngussa**

Soqanngilaq.

## **Punkt 18: Nuummi najugaqatigiiffinnik marlunnik pilersitsineq**

### **Beslutning**

Aaliangiineq kinguartinneqarpoq.

### **Bilag**

Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq

## Nuummi najugaqatigiiffinnik marlunnik pilersitsineq

Aalajangiiffigisassaq

SagsID.: EMN-2025-01231

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

### Inassuteqaat

Isumaginninnermut Inunnullu Innarluutilinnut Ataatsimiititamit Aningaasaqarnermut

Inuussutissarsiornermullu Ataatsimiititamut inassuteqaatigineqarpoq:

1. Nuummi najugaqatigiiffinnik nutaanik marlunnik pilersitsisoqarnera akuersissutigeqqullugu
2. suliaq Kommunalbestyrelsimut akuerisassanngorlugu ingerlateqqinneqassasoq

### Suliassamik saqqummiussineq

Ulloq 25. juuni 2024, Kommunalbestyrelsimut akuersissutigineqarpoq Nuummi najugaqatigiiffinnik sisamanik nutaanik pilersitsisoqassasoq katillugit 12-inik inissalinnik. Kingorna Iserit A/S-imit saqqummiunneqarpoq, Inunnut innarluutilinnut tarnimikkullu nappaatilinnut Immikkoortortamit illu Manngua 6 pissarsiarineqarsinnaasoq. Aggustimi 2025 illup nunaminertaata inissiatut nalunaarsorneqarnera najugaqatigiiffimmu allanngortinneqarpoq, kingorna najugaqatigiiffiit Aqqusinersuaq 13 aamma Blok 9, Mannguani kattunneqarput, ulloq 5. november 2025 Isumaginninnermut Inunnullu Innarluutilinnut Ataatsimiititap aalajangiinera naapertorlugu.

Suliffeqarnermut Isumaginninnermullu Ingerlatsivimmit inassutigineqarpoq Aqqusinersuaq 13 aamma Blok 9-mi najugaqatigiiffinnik nutaanik marlunnik pilersitsisoqaqullugu. Taamaaliorneq kommunip inunnut innarluutilinnut polikkianut, sanaartugassanik pilersaarusiortneranut aamma illoqarfiit pingaarnersaannut pilersaarutaanut naapertuuppoq, tassa inuit ataasiakkaat pisariaqartitaat aallaavigalugit najugaqarfissannik naapertuuttunik neqerooruteqartoqarsinnaaneq. Najugaqatigiiffiit tassaapput kommunip inersimasunut timikkut imaluunniit tarnikkut piginnaanikillimasanut ulluunerani tapersersorneqarnernik assigiinngisitaartunik pisariaqartitsisunut neqeroorutai. Siunertaavoq innuttaasut namminneq piginnaassutsiminnik ineriartortitsinissaannut tapersersuinissaq, taakkua sapinngisamik nammineersinnaallutik inuusinnaaqullugit.

Ingerlatsivimmit inissat nutaat arfineq-pingasut pilersinneqarusupput najugaqatigiiffinni ataasiakkaani inissat sisamat agguataarlugit. Inissat innuttaasunit utaqqisut allattorsimaffianniittunit, innuttaasunit najugaqarfimmit najugaqatigiiffimmu innersuunneqaaqqittunit kiisalu innuttaasunit ulloq unnuarlu neqeroorutinit angerlartinneqaaqqittunit ulikkaarneqassapput. Pilersitsinikkut najugaqarfinnut najugaqatigiiffinnullu utaqqisut allattorsimaffiiniittunik ikilitsissasooq naatsorsuutigineqarpoq, ukiakkut 2025 taakkununga utaqqisut innuttaasut 25 aamma 11-upput.

Illut iluarsaanneqareerput aamma iserterfigineqariaannaapput najugaqarfiit Manngua 6-imi kattunnerisa kingorna. Inassuteqaat akuersissutigineqassappat Ingerlatsivik najugaqatigiiffinnik pilersitsissaaq 2026-mi februaarip ingerlanerani.

Ilanngullugu najugaqatigiiffinnut nutaanut ataasiakkaanut tamanut malittarisassat aamma suliassat neqeroorutigineqarnerannut immikkut erseqqissaatit Ingerlatsivimmit suliarineqassapput, Innarluutillit ikiorserneqartarnerat pillugu Namminersolutik Oqartussat nalunaarutaat nr. 19, 4 novembari 2019-imeersoq naapertorlugu. Malittarisassat aamma suliassat allaaserineqarnerat kingorna politikikkut suliarineqartussanngorlugit saqqummiunneqassapput.

### **Ingerlatsivimmit aningaasatigut sulisoqarnikkullu naliliinerit**

Najugaqatigiiffinnik nutaanik pilersitsineq ingerlatsinerlu maanna missingersuutaasut iluanni ingerlanneqassaaq. Aningaasaliissutit matussuserneqassapput innuttaasunut Isumaginninnermut Aqutsisoqarfiup ulloq unnuarlu angerlarsimaffiutaanni inissinneqarsimasut angerlartinnerisigut.

### **Missingersuusiordermut Naatsorsuusiordermullu Immikkoortortamit aningaasatigut naliliineq**

Pisariaqanngilaq.

### **Inatsisitigut tunngavissaq allakkallu tunngaviusumik uppersaataillit**

- Inuit innarluutillit tapersorneqarnissaannut Inatsisartut inatsisaat nr. 13, 12. juuni 2019-imeersoq
- Inuit Innarluutillit ikiorserneqartarnerat pillugu Namminersorlutik Oqartussat nalunaarutaat nr 19 4 november 2019-imeersoq
- Inuit innarluutillit pillugit politikki 2024-2028
- Inuit Innarluutillit pillugit immikkoortumut pilersaarut 2016-2026

### **Siusinnerusukkut aalajangiinerit**

*Isumaginninnermut Inunnullu Innarluutilinnut Ataatsimiititaq, 02.03.26:*

Inassuteqaat akuersissutigineqarpoq.

### **Ilanngussaq**

1. Suliamik saqqummiussineq ulloq 25. juuni 2024-meersoq, Nuummi najugaqatigiiffinnik sisamanik pilersitsinissaq

## **Punkt 19: Lukket**

## **Punkt 20: Lukket**

## **Punkt .: Imaqarniliap akuerineqarnera**

### **Beslutning**

Imaqarniliaq akuersissutigeneqarpoq nal. 17:36.



**Punkt .: Tamalaat**

